


戶部課程



戶部卷之八

課程

茶課  
洞治

鹽課  
竹課

酒課  
河泊

市船  
雜課

常課  
課

契本  
免稅

二十七  
三十七  
四十七  
筭四  
筭五十  
杖六  
杖七  
杖十  
杖十  
杖百

商稅

但犯

私造

酒麴

犯人

犯界

十瓶以  
上決○

私酒

追鈔  
四十兩

酒雖多  
罪止  
追鈔五  
千兩

致所獲酒數給主仍勒出界毋  
並依匿稅例一體科斷

延祐六年 都省定例減輕

合賣主依例投殺  
氣力欺凌場稅不行投稅依  
例斷沒若和有賈一切物貨  
高又賈叔豪勢要之家倚恃  
入門不吊引同匿稅法加富  
回回通事并使官良買賣等  
物內一半付告人克賞  
匿稅之物一米沒官于沒官

典章二十二

私鹽 買食 干犯人

徒二年杖  
○財產一  
半沒官正  
犯人發下  
鹽司帶錄  
居後  
斷沒錄著一年灶戶裡使用

竈戶

兩隣知

同前

止計見獲為罪

知情買賣者与犯人

私賣

場官天竟

丹犯 三犯除名不叙

同罪

私茶

賣訖三日不于所在  
官司繳抹元引者

但犯者

所犯茶貨一半沒官一半付  
告人充賞應捕人亦同茶園  
磨戶犯者及運茶船車主知

犯界

買用

貨賣訖限如貨賣之處辦元引私販  
十日將引謀官高隨將批貨人決  
赴折在官強引自依例收將禁貨  
司繳納批稅許令護賣違沒官禁  
一官吏私權私勢要之家詭名  
挾如違限者斷沒一半比半折  
不行繳納者犯界侵欄南付  
九

犯界

禁貨

禁

挾如違限者斷沒一半比半折  
不行繳納者犯界侵欄南付  
九

恢辦課程條畫中統二年六月欽奉

皇帝聖旨道與各路宣撫司并達魯花赤管民官課稅所官不

以是何投下軍民諸色人等隨路恢辦宣課已有

先朝累降聖旨條畫禁斷私鹽酒醋麪貨匿稅若有違犯嚴行

斷罪今因舊制再立明條庶使吾民各知所避欽此

一諸犯私鹽者科徒決杖七十財產沒官決訖發下鹽

司帶錄居後滿日踈放若有告捕得獲於沒官物內

一半充賞如獲犯界鹽貨減犯私鹽罪一等仍委自

州府長官提調禁治私鹽罪如禁治不嚴致有私鹽

并犯界鹽貨生發初犯笞四十再犯杖八十三犯已

上開具呈省

聞奏定罪若獲犯人依上給賞如有鹽司監臨官與竈戶私賣鹽者同私鹽法科斷

一今後諸鹽場遇有買納及支客鹽死致苗難不受不給或勘合號簿批鑿引鈔違限者並徒二年若不依次第先給後受及秤盤不平者徒二年如客商買到官鹽并官司綱運舡車經由河道其關津渡口橋梁妄稱事故邀阻者陳告得實杖一百因而乞取財物者徒二年官司故縱者與同罪失覺察者的決笞五十如有遮當客旅拘買取利者徒二年鹽付本主買

價沒官仍禁治隨處官民無得將舊未運鹽河道開決河水澆溉稻田以致水淺澁滯鹽舡有悞恢辦課程依上治罪

一不以是何投下雖有拘撮舡隻文字如無許令拘撮客旅運鹽綱舡諸人不得應付

一隨處河道若有舊未釘立椿橛仰當該沿河官司委官將帶深知河道水手夫役人等檢踏得見盡行拔出若已後不行拔出椿橛因而損壞舡隻據區本一切損失之物當處官司陪償將管民正官約量的決一經過客旅買賣回回通事諸色人等不得將鹽司巡

鹽弓手騎坐馬足販鹽車舡頭足奪要走逃因而停滯客旅虧允益課如有違犯之人聽於所在官司陳告開具姓名申省

聞奏

一煎鹽燒鹽草每年常有野火燒延靠損草地及有破伐柴薪之人以致失悞用度仰鄰接管民正官專一關防禁治但犯決杖八十因致鬥用者奏取勅裁

一諸犯私酒麩貨者取問得實科徒二年決七十財產一半沒官於沒官物內一半付告人充賞

一諸犯匿稅者所犯物貨一半沒官於沒官物內一半

付告人充賞但犯管五十入門不吊引者同匿稅法科斷

一隨州府司縣應立酒務辦課去處無得將別行醞造到祇應使客醕酒沽賣仍委自酒務官關防体究如是因而沽賣便同私酒法科所施行

一諸局院人匠鷹房打捕并軍人與魯諸色人等犯私賣酒醋鹽麩貨匿稅過所在捕捉却行聚眾打奪今後達魯花赤管民官管軍官并各管頭目與犯人同罪打奪因而致死傷者各從重施行

一達民戶鹽場裏要鹽時分各自斟酌喫多少呵要者

分外多要隨處住各田地裏夾帶私鹽貨賣呵依已前休例裏當按打莫罪過者仍仰把隘人員嚴切巡察若因而夾帶私鹽貨賣犯隘官與犯人同罪

一如有處分不盡事理仰各路宣撫司比附舊例從長施行

江南諸色課程至元十三年十月行中書省會驗欽奉

聖旨條畫節談茶鹽酒醋商稅金銀鈔冶行貨河泊大小課程從實恢辦等事欽此已經行下各道宣慰使司欽奉

聖旨設立院務恢辦課程去後為各處不曾申到及不用心恢辦令本路達魯花赤總管不妨本職專一提點照依坐去

事理常切用心窮究推辦根揆本處殘宋辦課次第炊盪石斗文曆照勘舊額數目比之今日見辦課程到官數目須要逐月增羨依期比附羨餘申報仍先取委官對行文狀呈省施行

一酒醋課程須酌量居民多寡然後厘勒各官置赤曆開寫每月炊盪漿米石斗可用麩貨斤重造到清酒味醇薄發賣價值除工本外每月實辦息錢鈔每石可留息若干當日晚具單狀於已委定提調官處呈照十日一次呈押赤曆每月一次打勘辦到課程不過次月初五日呈省據辦到課程數目每月解赴宣

慰司每季差官起運赴省交納施行

一商稅各處若不關防中間作弊百般欺隱課程今擬除府城門外吊引入城赴務投稅附曆收課外據在先雜稅於稅務門內置局亦吊引稅今發下千字文號貼仰令當該攢典人於上將稅物貨先行從實抄寫數目亦依號附曆給發標寫某物該稅鈔若干令稅物人賣把號貼赴務投稅仰稅官將吊到號貼當面收受合該稅錢附曆監收准備日晚依號照勘取計施行毋得再令攔頭人等虛擡高價口唱稅錢刁蹬百姓仍仰已委官常切用心提調每日具報草狀

十日一次呈押赤曆每月不過次月初五日呈省亦與酒課一就解省

一各處在城管下縣鎮各立院務去處除宣慰司總管府照依已行差設務官管外省府合擬差提領都監前去仰本司行下各路已委官提調用心拘鈐權辦到課程每月一次就便驗本處戶計多寡比較若有增羨遷官給賞如有恢辦不前或不為用心勾當以致課程虧少去處仰已委官將省府并宣慰司總管府差去務官就便招約量決罰所犯侵欺盜詐者斷罪罷役仍每月具權辦到課程比較增羨弓免去

處依月申限次許令申省亦申宣慰司類攢申報施行

一各道申到月辦課程省府亦驗名處戶計多寡再行比較得本處戶計數多辦到課程數少務官人等稅物刁蹬百姓及酒味淡薄雖不侵欺亦仰禁治已委提調官亦取有失鈴束如恢辦向前課程額羨年終考較定有功者

聞奏有過者黜降

一体知得隨處多有勢要之家設立酒庫恃勢少認辦到課額恣意多造醕酒發賣辦到息錢除認納定官

錢外餘上盡行入已實是侵襯官課仰截日盡行罷去止委總管府選差人員造酒依例從實辦課據罷訖酒庫應有見在米麩漿米酒醋浸清酒并一切什物官為物收作本合該價錢官吏保結申省定奪支撥施行

一各處應據辦到諸色課程仰各道宣慰司并各路總管府非奉省府明文不得動支亦不得移易借貸借俸鈔等如有動支去處定勒判署官吏陪賞治罪  
一照得欽奉

聖旨條畫節該私犯鹽酒麩貨者科徒二年決杖七十財產一



半沒官決訖發下鹽司帶鑱居後滿日踈放若有告捕得獲於沒官內一半充賞欽此已經行下各處禁治外仰提調官常切用心禁約体察如有違犯告捕到官欽奉

聖旨事理就便取招斷後施行

一照得欽奉

聖旨條畫節該匿稅者其匿稅之物一半沒官物內一半付元告人充賞外犯人仍管五十八門不吊引者同匿稅法科斷欽此已經行下各處依上施行外提調官常切用心巡緝無致匿稅如違犯者欽奉

聖旨事理就便科斷施行

一金銀鉄冶竹貨湖泊大小課程除兩淮湖泊課程權且倚免外其餘課程仰已委提點官欽奉

聖旨事意用心恢辦仍每月具辦到數目申省

運司合行事理至元十三年正月中書戶部承奉 中書

省劄付據東平等路轉運使蔡德潤等連名呈訴乞依先立轉運司給降

條畫及隸中書省等事都省區處定下項事理就便行移合

屬依上施行

一本司乞依先立運司給降

條畫事理前件議得仰本司欽依給降

聖旨照依累降

聖旨條畫施行

一都轉運使司合無直隸 中書省事

前件議得如有不係本司所管衙門沮壞攪擾辦課  
令本司申部直呈省外其餘辦課等事理並听申部

一呈要各路增添戶計事

前件議得省會於戶部照勘者

一行舖之家取下鉄貨并農器等生活合無收買事

前件議得仰轉運使司令各處舖戶之家將現在鉄

器生活須管立限發賣了畢限外依市價都轉運司  
收買

一都轉運使司置立去處解字除舊有外無者從本司  
踏逐官房令本路差撥人匠修完并合用儀從公物

一体應副事

前件議得若本司到置司去處照依前運司聚會去  
處置司儀從公物應副交割

一都轉運司乞依按察司一体迎接

聖旨宣詔事理前件議得准呈

一都轉運使司令使奏差譯史典史收銀庫官知印祇

候人曳刺等從本司踏逐

前件議得本司擬設書吏并奏差通事譯史人等依上許令本司踏逐不作過犯相應人等充收銀庫官各院務辦課人等除省部依例差設外本司止設相副一員依上選差想應不作過犯之人

一各運司合關鋪馬劄子差使牌面乞斟酌定奪事  
前件議得各處運使所轄去處寬闊若不給付難以責條除濟南等路河間等路都轉運使司已有元給牌面不須止給馬一尺劄子二道外據其餘都轉運司各給差使銀牌二面馬五疋劄子內二疋一道一

疋三道依上出給施行

一隨路管民官任滿乞令於本司取給解由申部有無增虧私鹽等生發文解一前件議得除增虧外餘准所呈

一各運司官依驗課額以十分為率若增一分廷官一等三分者廷官二等五分以上別加廷賞

前件議得候年終考較見數至日依

條定擬

一各運司合用紙扎印信乞定奪事  
前件議得照依前運司体例施行

一本司官吏合得公由俸給乞定奪事

前件議得公因申部照例定奪外俸給另行定奪

一本司管領數處必須劄委司官行司并差委催課幹事人員亦合依按察司一体馳駟支給分例

前件議得若本司官騎坐鋪馬依例應副餘者別無定奪

一各司運判改從五品依按察司例給降

宣命金牌事一前件議得別無定奪

一都堂議得各路人匠內除軍器監成造軍器少府監金玉人匠總管府監收護國仁王寺總管府異樣提

管府等管人匠依舊充管官司管領催辦其餘常課造作人匠仰都轉運使司催辦管領詞訟其餘一切橫造令總管府管領

辦課合行事理至元二十年六月福建行省准中書省咨

三月十二日

奏去年馬見年課程大都夏裏到未時分交蒙古人監辦委付來那額外六七千定增餘出來其餘路分比上來者雖有增餘出來呵不曾多增出來在先合阿馬根底并他總領孩兒每底根底又其餘官人每根底與肚皮有來每一個院務裏六七八個人行來那底每都有分兒來這賊每

的在先喫了的如今依体例合納者如今俺商量得隨路  
官員交差兩人提調課程体例交那每成就俺也教好行  
踏課程錢定額者商量來底呵奉

聖旨事意的勾當恁識者欽此今據中興涼州真定大原等處  
人入狀陳獻至元二十年課程比之上年正額增餘之外  
有及數倍者顯見隨路俱有似此增羨 都省逐一區處  
于后咨請照驗依上施行

一今歲各路合辦課額今差官同各路提點官一同照依  
至元十九年諸色課程辦到正額增餘數目并在前年  
分除正額外一切侵欺糜費額多收少納隱沒錢帑議

明白從新定立至元二十年合辦額數須要增餘盡實  
結附到官

一於本路見職官內公選廉幹官二員充提點官一同依  
上定立今歲課額責使常切用心提調不限日數點差  
好人赴務輪番推辦

一各路點差推辦人員如有推出增餘與衆特異者許差  
去官体探得實保明呈省擬於本等之上量加陞遷如  
無前資之人亦行定奪委用

一厘勒管課人員止舊例三十分取一不得高估所稅物  
價多助稅錢及自來不稅之物不得因而妄要收稅

一民間若有門攤課程止依至元十九年例徵收不得分毫添答非理椿配

一將已定諸色課程額數就取本路依式完簽甘結認狀呈省但有增餘須要盡實到官

一路府州司縣鄉村鎮店見界院務官若有怠慢不稱職者行省所委人員呈省替罷本路差設人員本路別選好人交換

一管課官若有侵欺瞞落官課者監收取招追徵正贓照依

聖旨條畫施行

一在前行分管課官典侵使附餘錢數休察得寔亦仰就便追問

一隨路見辨諸色課程比附增虧開坐各各條細數目自今年正月為始每月一次不過次月十五日申報本省仍將院務官每季小考年終大比視其增虧以為黜陟如有違期不申及雖申不完去處首領官初犯罰俸一月再犯的決一十七下當該人吏的決二十七下三犯本路正官取招呈省每季不過次季仲月十五日以裡咨報都省若是違期不到定將首領官令史究治

一累奉

聖旨增羨者速賞虧兌者陪償黜降除欽依外自來終不曾定立陞降賞罰格例能否無以懲勸貪廉無以分別又兼近年管課者惟以貨賂求陞無復以實獲進者以致課程隱沒不得盡實到官甚所以失理財用之道已經劄付戶部吏部一同照勘各路見辦諸色課程正額增餘數目分為等級添取前代院務監當驗籌教官之遺制准以今日所宜定立考較增虧法度與夫陞降賞罰格例隨議頒降

至元新格

十一款

諸錢穀之計其各處行省每歲須一檢較凡理財之法

或有未盡蠹財之弊或有未去生財之道或有未行逐一議擬咨省戶部該管去處准此

諸院務課程當該上司常須設法關防每月休度若課額輕省而所增分数不及者隨即窮問仍委廉幹正官監辦行省戶部凡在所屬路分每季通行比較須要盡實到官不致欺隱

諸茶鹽課程已有成法其行省戶部檢會元降例條比近年官吏違犯禁條營謀私利侵損官課阻碍商人者逐一出榜嚴行禁治仍須差選廉幹人員不時暗行体察務要茶鹽通行公私便利

諸場鹽袋皆判官監裝須要勸重均平無有餘欠運私以下分轉檢較仍於袋上書寫監裝檢較職位姓名以千字文為號如法編垛凡遇商客走請驗其先後從上給付行省戶部差官不測體驗但有荅帶餘鹽或剋除勸重及支給失次刁蹬鹽高者隨即追問是實各依所犯輕重理罪仍聽察官糾彈

諸窳戶中鹽到場皆須隨時兩平收納不得留難其合給工本運官一員監臨給付若鹽司官吏因而有所剋減或以他物移易准折者計其多少論罪仍勒陪償每給工本時肅政廉訪司差人暗行體察

諸場積垛未椿鹽數須於高阜水潦不能侵犯去處如法安置仍委運官時至點驗若積垛不如法防備不盡心以致損敗者并勤陪償

諸院務官大者不過三員其攢攔合千人等依驗所辦課額斟酌存設多者罷去無使冗濫侵削百姓盜食官不

諸轉運司并提點官吏凡於管下院務取借錢物者以盜論與者其罪同即應稅之物不經依例抽分使訖稅印者亦如之

諸鹽司凡承告報私鹽皆須指定煎藏處所詳審明白



計會所在官司同共搜捉非承告報其巡鹽人員止許依例用心巡補不得妄入人家搜捉

諸捉獲私鹽酒麴取問是實依條追沒其所犯情由并追到錢物皆須明立案驗另附文曆每月開申合屬上司

諸鹽法並須見錢賣引必價鈔入庫鹽袋出場方始結課其運司官如每事盡心能使鹽額有餘官吏守法商賈通便課程增多者

間奏陞賞

茶課

販茶例據批引例至元十八年湖廣行省為確茶都轉運司呈蒙 都省降到引據條魚備坐文牒內一款客旅興販茶貨納訖正課寶鈔出給公據前往所指山場裝發茶貨出山賣據赴茶司繳納倒給省部茶引方許賣引隨茶諸處驗引發賣畢限三日已裏將引於所在官司繳納即時批抹違限匿而不批納者杖六十因而轉用或改抹字號或增添夾帶斤重及引不隨茶者亦同私茶斷仍於各處官司將客旅節次納到引目每月一次解赴合屬上司繳納

恢辦茶課

至元二十一年六月 中書省准江淮行

省咨食茶課程不問有无產茶去處一槩椿配百姓為此移准江西行省咨備推茶都轉運司申照得亡宋自來舊例别无食茶課額自至元十七年前運司盧世榮創立門攤食茶課程一千三百六十餘定每歲添咨入額至元十九年考較作八千六百定若是听從民便於額内開除相應請定奪事議擬之間據江州推茶都轉運使廉正議呈本司至二十年茶課年終辦到二萬八千定若於本司每年納賣三十五萬引上每奉茶一引元價二兩二錢四分上添鈔一兩九分每引作三兩三

錢三分末二兩四錢九分添鈔一兩一分每引作錢三兩五錢周歲約辦鈔二萬四千定并與販茶課四千定計二萬八千定已過盧運使數目却將食茶課程革去如此恢辦庶免百姓食茶攪擾之害課亦不虧合將食茶鈔數於正賣引上均補事

都省依准所擬移咨各省自咨文到日為始將各路食茶課程罷去合該鈔數於正辦茶引上均補務要不失元額外仰照驗施行

私茶同私鹽法科斷中書省於至元二十二年二月十九

日柳林裡

奏通事內一件據東平濟南路鹽局規運官于敏陳言目即  
貨貨澁滯客人將廢引循環行使中間影蓋私茶侵視  
官課倦商量得古今鹽茶係國家權貨俱合與引相隨  
鹽無引者便作私鹽斷沒據無引茶貨若便依鹽法究  
治恐傷百姓如不關防又慮作弊夾帶私茶侵視官課  
擬咨各處行省禁約江南應有茶貨權且止於江南發  
賣令襄陽真州廬州淮安州陽邏渡沿江官司關防毋  
令客人舡來迤比候腹裏路分無引茶貨立限賣絕  
覩省明文到彼方許放行令戶部將客旅行鋪店局人  
等應有見在茶貨限一百日賣絕限外有賣不盡之數

官司依市價收買如有隱匿同私鹽去科斷奉呵奉  
聖旨那般者欽此

私茶罪例至元二十四年五月建寧等處權茶提舉司會  
驗先承奉中書省降到

條畫內一款但犯私茶者杖七十所犯私茶一半沒官一半  
付告人充賞應捕人亦同如茶園磨戶犯者及運茶車  
舡主知情夾帶裝載無引私茶一体科斷本處官司禁  
治不嚴致有私茶生發去處仰將本處當該官吏勾斷  
又奉江西等處權茶都轉運使司指揮脩奉行  
中書省札付內一款應係出產園茶地面所在官司委

自各路府州司縣達魯花赤長官不妨本職專一提點務要不致私茶生發起數倒給解由方許求仕仍每月一次開申私茶起數申司事承此先為福建等八路民戶採造茶貨私與客旅成交侵襯官課以至呈奉到江西行省劄付并福建道宣慰使司備榜各路嚴行禁治施行

權茶運司條畫至元二十五年三月欽奉

聖旨據尚書省奏江西權茶運司改立江西等處都轉運司所辦課程浩大乞降

聖旨禁治事准奏所有條畫逐一區處如后

一 所辦茶課照依茶引內條畫事理施行

一 運茶綱舡隨處官司不得拘撮搬運官物如為軍情

緊急明有行省許令文字然後應副

一 隨處河還若有舊來釘立椿橛阻礙運茶船隻勾當沿河官司盡行拔去若不出拔因而損壞販茶船隻據茶本一切損失之物當處官司陪償仍行斷罪

一 諸人應有賣過茶袋合納舊引依限赴所在官司繳納每月繳申總管府每季將繳納舊引申報尚書省咨省照勘如違限及不經由所在官司或與茶司通同作弊再行赴場支茶許諸人告首到官或因事發

露取問得實依條治罪

一諸路應管公事官吏軍民人匠打捕諸色頭目人等常切禁約無得縱令歹人虛椿飾詞妄行搆惑攪擾沮壞見辦課程如有違犯之人並行斷罪

一經過使臣人等不得將運司催辦課程人等騎坐馬疋販茶車輛船隻頭疋奪要走避如有違犯之人聽於所在官司陳告開具姓名申省聞奏

一舊來茶園諸人不得歡伐恣縱頭疋啣咬損壞違者重行斷罪

一諸局院人匠鷹房打捕并軍人與魯諸色人等如是不有朝廷法度專擅地利以國家推貨看為私家永業貪圖厚利聚成群黨恃勢打奪私酒麴貨匿稅不畏公法之人事發到官如或各處占恠不發仰轉運司本路宣慰司總管府將犯人及占恠人一同依條歸斷不得妄分彼我

一辦課官吏除職官外其餘運司合差賣數如是闕員照依累降條理於不以是何投下許令踏遂慎行止有家業不作過犯能幹人員勾當

一運辦課去處及行茶地面濶遠如遇差官巡緝出給差劄勾當不得因而夾帶不干碍人等如違治罪

一隨處所辦課程依舊例管民正官充提點官若有差  
出以次官提點如有誚壞巧充取問得實依條究治  
施行

一所辦課程照依元認課額須管比額增羨盡實到官  
無致欺隱如有虧欠勒令依數陪賞更行治罪

一茶司週圍蒙古軍萬戶千戶頭目人等無得非理於  
茶司取要飲食盃酒撒花等物

一轉運司凡有合添氣力辦課公事仰便申覆江西等  
處行尚書省施行

一若有該載不盡事理行尚書省照依累降

聖旨從長 畫施行

不得但壞茶課至元三十年正月欽奉

聖旨諭行中書省銜史臺行樞密院宣慰使廉訪司各路達魯

花赤應管公事大小官吏軍民諸色人等據中書省奏江

西等處權茶都轉運使司見辦課程浩大切恐諸人沮壞

乞降

聖旨禁約事准奏管辦課程其間照依在先

聖旨體例裏不揀誰休沮壞者沮壞的人每要罪過者轉運司

官吏人等却不得因而作弊違錯

茶課至元三十年九月湖廣行省准 中書省咨

奏奉

聖旨節該存減茶田局事內將各各局分合辦課程照依二十年實辦課數須要不失元額令產茶地面有茶樹之家驗多寡物力貧富均辦有司隨地租門攤一年兩次催歛起解既已抱納聽民自便不得因而將無文引茶貨偷販出境貨賣告發到官便同私茶斷沒若遇客旅賣據詣造茶依例辦課或外方客人賣有引茶貨入境聽從貨賣仍出榜曉諭依上恢辦施行

僧道私茶事大德元年二月江西行省為權茶司運捉獲僧人張了興發賣私茶公事移准 中書省咨送戶部照

議得隨路鹽茶即係立法權貨難同其餘買賣高稅參詳僧道販賣合依行省所擬一体禁治若有違犯一体追斷相應咨請照驗施行

優卹茶戶大德元年四月 江西行省檢會欽奉

聖旨節該中書省官人每奏江西運司所辦的茶課浩大有他每勾當其間裏不揀是誰体入去者麼道那般

聖旨有來如今辦課時分依着在先

聖旨体例裏不揀誰体入去者這般宣諭了呵他每勾當其間裏入去沮壞的人每要罪過者又欽奉

聖旨條畫內一款節該造茶人戶常加優卹不致生受又一款

節該應客旅裝買茶貨車舡官司並不得拖拽若必合顧直抵發賣地面下知訖方許和顧如違陳告得實決杖六十因而故縱取受者同罪如有邀當客旅拘買取利者杖六十茶付本主買價沒官欽此

斷沒私茶鹽錢依例結課大德元年九月二十六日江西廉訪司准運司牒奉江西行省劄付來申山南廉訪司將追到裴成販買死引私茶價錢解臺不肯發遣移准中書省咨該送戶部照議得應犯私鹽茶貨各處運司追斷結課即係通例前項私茶價錢既山南廉訪司作贓罰解臺又江西運司課程已經造冊別難更改擬合劄付御史臺

照勘上項錢數委曾收訖依例作數行下合屬今後應犯私茶鹽貨追到沒官錢物依例令運司結課相應都省准呈咨請施行

茶法大德四年九月

湖南宣慰司准

江西權茶都運

使司牒該據潭州路權茶提舉司申唐子讚等狀告年甲年不等係永州路零縣進賢鄉上甲住坐見充湘口水站戶計節次在家將梯已米石博換到茶貨共計一百三十觔顧覓梢人用舡裝載切緣本路州路客人與販茶貨盡行赴商稅務投稅若將前項茶貨用舡裝載徑自前來潭州發賣誠恐商稅務攔頭人等投獲枉受枉責為此隨



例將前項茶貨赴永州在城商稅務投稅就納中統鈔五  
兩給到即信關由二紙照茶前來發賣於大德四年六月  
初七日到未潭州為見榜文禁治私茶嚴緊不敢發賣以  
此將元給到商稅務印信關由二紙告乞施行事得此今  
將潭州提舉司繳到永州路在城務的本印批粘連發去  
牒請照驗施行准此並據潭州路提舉司申亦為此事得  
此照得至元三十年為各提舉司申各路府州司縣商稅  
務因為茶貨收稅當攔客旅攪擾溢滯茶法不能通行課  
程虧兌元貞元年正月內本司認辦正額茶課八萬定之  
上再添賣稅鈔三千定通辦八萬三千定却將茶貨免稅

申覆江西等處行省移咨都省定奪去後又據鄂州提舉  
司申奉湖廣等處行省劄付准 中書省咨元貞元年二  
月初二日

奏過事內一件為整治江南茶底勾當上姓張底漢見人多  
題幾件勾當來依着他的言語行來一件江南底茶到淮  
河這壁成子裏每納稅江南地面裏賣呵不納稅有今一  
例取要麼道說呵依着他的言語裏合交要麼道

先皇帝根底奏了行文書來如今江西省官人每並管茶勾當  
底人每說有江南底各處城子裏每因着要稅盤當着做  
買賣的人每茶的買賣勾當溢滯底一般限交做買賣的

人每生受有這納的稅錢該三千定有在前底年分裏合辦的額八萬定有來如今再添三千定做八萬三千定額却將各處城子裏要稅錢底依着在先體例裏不交要呵怎生商量來麼道奏呵那般者

聖旨了也欽此都省除外咨請照驗施行省府除外合下照驗施行外處已收到官茶稅錢鈔差人管押赴省交納承此申乞施行得此又照得茶引

條畫內一款客旅興販茶貨隨處發賣依例投稅若依舊例改正客旅興販茶貨江淮迤南依舊免稅江淮迤北發賣依例收稅似為相應申奉到江西等處行省劄付准

中書省咨來咨事理送戶部照擬得茶稅既蒙都省

奏准江淮迤南依舊免稅擬合就今次改鑄板面除去至元三十年茶引內客旅興販茶貨隨此發賣依例投稅一款依舊却添客旅所販茶貨江淮迤南依舊免稅江淮迤北發賣去處依例投稅一款如准所呈劄付禮部一就鑄造板面仍咨本省照會相應除已劄付戶部就關禮部依上改鑄印造外咨請照驗依上施行奉此除已行下合屬依上施行今據見申照得永州路係淮南行茶地面今本處稅務又行收納茶稅事屬違錯除已差官前去約會永州路委官一同取問本務官攢招伏擬定呈司詳斷外牒請

照驗欽依已降

聖旨事意更為行下合屬禁約施行

私茶大德七年八月初六日江西行省准 中書省咨該  
來咨推茶運司申諸人販賣私茶事發到官除正犯人欽  
依決杖外茶園人戶依驗客賣公據由引別無詐冒方許  
成交如有事發驗得茶貨與公據輕重不同茶園人戶合  
無科罪其各處提調正官禁治不嚴可否照依鹽司定到  
罪名科決惟復別行定奪准此送戶部與刑部一同議得  
管辦茶課人員止是發賣引據事簡務輕課額非重即與  
鹽運司事體不同所據官吏但肯廉勒奉職私茶之徒減

少亦死擾民被問之弊今後茶園磨戶但有買茶客旅須  
要驗所賣引據依數發賣如有不驗由引夾帶多買買賣  
之人即同私茶科斷若告捕得獲依例給賞提舉司禁治  
不嚴正官取招議罪首領官吏的決標柱過名任滿解申  
內開寫如蒙移咨本省行下合屬通行出榜曉諭相應都  
省咨請依上施行

茶課從長恢辦皇慶元年四月欽奉

聖旨據中書省奏江西等處權茶都轉運使司歲辦課程浩大  
切恐諸人攪擾乞降聖旨禁約事准奏仰據所辦茶課從  
長恢辦務要增羨盡實到官辦課其間諸衙門不得攪擾

沮壞所在官司毋得將運茶缸隻拘奪運官物轉運司  
官吏人等却不得樁配百姓作弊違錯欽此

巡茶及茶商不便延祐元年五月 江西廉訪司准監察  
御史牒該據人戶季均信等告茶商黎良伯將帶末茶指  
倚江西茶運司公文行下添答價錢每茶一袋要鈔一兩  
遍擾村鄉俵散人戶少不如意將茶撒散人家作死引私  
茶展賴取要錢物及余用甫虛椿何總九等欠少茶錢赴  
武昌提舉司陳告本司不詳虛實輒便違例行移追理除  
另行追問外照得荆河北道宣慰司承奉河南行省劄付  
准 中書省咨據戶部呈議擬到極治茶課內一款節該

今後告捕私茶先須於本處官司自下至上陳告依理追  
問其訴訟人並不得隔越徑直赴運司告言如果有私茶  
告發去處必合巡捉者即聽茶司與本處官司若應補之  
人明賣文帖方許巡捕其非應補人員別死文帖在手並  
不得一面搜捉運司亦不許非時泛濫差人巡捉驚擾民  
商凡諸人告捕本處官司不為理問或理斷不當並聽運  
司依法究治仍督各處巡捕官嚴行巡禁毋致私茶生發  
侵襯官課如巡禁不嚴販獲到官驗事發起數少者罰俸  
多者約決任滿於解由開寫視為殿最其有假托運司差  
遣妄行搜捉私茶欺騙百姓之人即仰被害人戶就便將

領赴所在官司痛行懲治本部議得販造私茶已有禁例  
告捉私茶事理如准所擬相應永此除遵依外若不禁治  
誠恐其餘茶商借此倣倣擾害人戶牒請禁治施行

告茶錢合從有司追理延祐六年十月江西等處行中書  
省准 江浙等處行中書省咨據饒州路申准本路推官  
張承德牒呈見問呂陳孫告茶司以欠茶錢為由索要賣  
發不從將呂通八等打傷身死公事除另行追問外恭詳  
管民官例提調茶課今後似以徵索錢物勾擾百姓等事  
理合經由有司追理因死循行定例省茶司強差無俸司  
吏出往外郡名為分司恣意勾擾取受錢物害及良民如

呂通八等身死本路已事發却緣又即係茶司熊汝明泛  
受妄生勾擾致傷人命今後民間陳告欠少茶錢若令經  
由有司陳告追理明立案驗以備照刷似望大革濫擾之  
弊然此即係為例事理今照詳得此移准 中書省咨送  
據刑部呈議得取索茶錢即係私相交易既是擾害良民  
未便今准江浙行省推官張承德所言令有司追理實為  
相應具呈照詳得此都省准擬依上施行

鹽課

設立常平鹽局至元二十二年 月 江淮行省准

中書省咨至元二十一年十二月初一日

奏過事件鹽的體例一引鹽根底官司處十五兩買了

國家不多要課程賣這鹽呵本待教百姓都得販鹽喫來如

今官員豪富有氣力的人每詭名兒教人買出鹽末把柄

着行市措勒百姓多要利錢賣有十八年潭州一引鹽賣

一百八十兩江西賣一百七十兩一个月前這大都一司

鹽也賣一百二十兩未為這上頭

皇帝少要課程的

聖恩不曾到百姓身上為這般上窮百姓多有不得鹽喫的有  
咱每的鹽引二百萬引鹽根底教客商興販一百萬引鹽  
諸路運將去放者立常平鹽局販鹽底人每若時貴呵咱  
官司賤賣那般做呵百姓每都得鹽喫

國家更有利錢奏呵奉

聖旨那般者欽此所有合行事理逐一區處于后咨請欽依施  
行

一鹽局官從各處官司於近上戶計內選保有抵業人通  
商賈信實不作過犯之人充每局大使一員副使一員  
本路出給付身委用勾當開具花名保給申宣慰司呈

報行省腹裏路分申部照會

一鹽局房舍於各處係官房內從便標撥如死係官錢內  
起蓋合用夫匠本處就便差發

一合賣年銷鹽數驗各處人戶多寡斟酌可用鹽袋開坐  
數目行移宣慰司總管府各差管押官一員賣擊公文  
將引各處局官前去合干運司關引支撥須要交割明  
白到局若有短少着落元關局官倍償如是在場鹽數  
不敷分作兩次搬運合用脚力運司就便和顧行下鹽  
轉運司依上施行仍將賣過鹽引遂旋繳申提點官批  
鑒訖申覆本路轉申省部

一發賣鹽價如今鹽袋不問價例平和聽從民便發賣如無客旅興販鹽價增添時分官為發賣價直雖高每行不傾一錢須要一觔至二觔三觔各作一累預先如法多廣色累如遇人戶買鹽即便驗價支發免致遂施秤盤停滯買戶據賣到價錢本局明附文曆每日分豁本息具單狀申報提點官司印押每旬開申本路轉申宣慰司呈省比及次月終須要開咨到省腹裏路分每局申部呈省據每月賣到數目不過次月初五日申解本路送納

一本處正官提點催趕發賣毋致闕誤亦不得尅減勸而

虧省百姓

一合設鹽局除各縣置立一處外各路並戶多州郡及人煙輳集鎮官市可以添設去處本路就使斟酌設立訖開具各各數目保結申宣慰司呈行省腹裏路分申部

一合用攢典秤子合干人從本路斟酌賣鹽多寡就便定奪於酌中戶內差撥毋致多餘濫設仍將設定人數申部保結申宣慰司具呈行省

一局官俸給攢典秤子工食錢隨後另行定奪

一各處運司至元二十二年額前鹽數先儘常平鹽袋如遇各道宣慰司各路差官賣公文關撥隨即先行依資



次關引支查本司和顧脚力運立局去處如是見在不敷先儘實有見在均俵分作兩處般運毋致短少勸重刁蹬停滯具關訖鹽貨併用通却力保結申宣慰司呈行省腹裏路分申部若有客旅關賣鹽貨等候官鹽了畢支查

一各運司額辦鹽數確督各場管勾竈秤人等起時煎造毋致闕誤支發

立都提舉司辦鹽課至元二十九年中書省今照到辦課

聖旨條畫開列于後

一隨路應管公事官吏并軍民人匠打捕諸色頭目人等常切禁約毋得縱令不干碍人虛椿飾詞妄行扇惑攪擾沮壞見辦課程如有違犯之人並行斷罪

一蒙古漢軍探馬赤打捕鷹房站赤諸色人等一體買食官鹽不得私煎販賣及不得私造酒醞偷匿高稅辦課其間諸衙門毋得妄生事端攪擾擅勾辦課官吏人員如有違犯或提點官禁治不嚴並欽依累降

聖旨斷遺施行

一近年各處轉運鹽使司所用皆非其人省降鹽引多為勢力之家賒買賣引下場挽薦資次多查勸而遮當客

旅把握行市以致鹽法不行公私兩不便當今後見錢  
賣引照依資次支發鹽袋監臨主守官吏並不得賒買  
違者其價與鹽俱沒官詭名盜買者仍徵倍贓官解見  
任司吏勒停

一各位下并權豪勢要之家納課買引赴場查鹽不得挽  
越資次恃賴氣力逼勒場官多要餉重如有違犯之人  
取問實是依

條斷罪

一運司煎鹽地面內如有係官山場草蕩煎鹽草地諸人  
不得侵占所伐及牧放頭匹徹火燒燃仰所在官司常

切用心關防禁治如有違犯之人斷罪陪償

一諸人販賣鹽貨除官定袋法每引四百觔之外夾帶多  
餘觔重者同私鹽法科斷

一巡禁私鹽者附場百里之內從運司選委相應人員巡  
捉其餘府州司縣行鹽去處摘委鹽司正官員與管民  
正官一同巡捉

一行鹽地面路府州縣私立鹽牙行大秤有壞鹽法仰所  
在官司截日罷去違者捉拿到官痛行治罪

一竈戶煎到鹽數在先當該官更多取餘鹽剋減工本或  
以他物准折致使生受今後從實給散但有依前剋減

准折虧損竈戶嚴行斷罪仍勒倍償

一諸人與販鹽貨務要兩平發賣不得中間插和灰土違者嚴行斷罪

一諸犯私鹽者照依已降

聖旨科徒二年決杖七十財產一半沒官決訖發下鹽司帶鑱居後滿日踈放若有人告捕得獲於沒官物內一半充償犯界鹽貨減犯私鹽罪一等仍委自州縣長官提點禁治知道賣私鹽的人每根底拿去時分拿去的人每根底相迎着廝殺的根底馱了二次做伴當為從廝關的斷沒家緣流遠又他每之下做伴當來的每根底家

緣斷沒了鑱着三千竈戶裏使用如竈戶人等私賣鹽法科斷兩鄰知而不首者減犯人罪一等場官失覺察者初犯笞四十再犯杖八十三犯杖一百除名場官知情貨賣者與犯人同罪管民提點正官不為用心禁治捉拿縱令百姓買食私鹽與場官同罪如經過關隘港議去處管軍官不為用心盤捉與管民提點官一体斷罪如有通同縱放貨賣私鹽者與犯私鹽人同罪

一兩浙運司欽依

聖旨辦課其間諸衙門死得攪擾沮壞亦不得將辦課官吏擅自差占勾攝如有沮壞之人取問是實從行省就便斷

罪

一隨路運使官吏若有虧兌官課不公之人問當得實截實罷去據本官拖火課程依數追徵須管日近補納數足別差有產業不作過犯信實人員補闕勾當今後若有放意挾仇妄生飾詞因而胡亂陳言沮壞課程者諸衙門无得受理如是委有侵欺官錢憑准堪信文憑明註月日等候年終考較前來陳言一同對證歸斷施行如違嚴行治罪

一附場百里之內村庄鎮店城廓人戶食用鹽貨官為置局發賣驗各家食鹽月日從運司出給印信憑驗關防無致私鹽生發如是過期却有附餘鹽貨別死由關同私鹽法科斷

一諸人賣過鹽引欵奉

聖旨限五日赴所在官司繳納隨路管民官每月用心拘刷每季繳申行省照勘如不為用心拘刷縱令客旅違限不納夾帶私鹽影射使用從行省究治

一兩淮兩浙運鹽綱舡車輛并辦課官吏巡鹽弓手騎坐馬匹欵依

聖旨諸人不得奪要拘撮如有違犯之人從行省就便斷罪  
新降鹽法事理大德四年十一月兩淮都轉運鹽使司承

奉 中書省劄付欽奉

聖旨節該中書省奏諸處鹽課兩淮為重比年以來諸人盜賣私鹽權豪多帶勦重辦課官吏賄賂交通軍民官巡禁不嚴以致侵視官課宜從新設法關防乞降

聖旨事准奏自大德四年為始立倉查運撥袋支發以革前弊真州采石依舊設官批驗置軍巡提江淮海口私鹽出沒去處添撥車舡附場閑雜舡隻不許往來灣泊軍民捕盜等官常切用心防禁毋致私鹽生發欽此所有立法合行事理命中書省定立條畫上江下流諸衙門大小官吏人等各務遵守奉行若有減裂沮壞之人照依已降

聖旨究治欽此又於大德四年十二月二十日

間奏過兩淮鹽法為不定体的上頭合整治的法度張叅政題說來在後海道運糧朱叅政也依那言語題說呵

上位奏過提調整治的教來叅政更一个姓郝的漢兒人省裏行來的張都事等去來他每到那裏合行的勾當就便行了更有幾件合整治的題說有數内一件應有合整治事理行

聖旨怎生說有俺商量來

上位奏過省裏行文書呵怎生奏呵奉

聖旨那般者欽此都省欽依

聖旨事意通行叅考議立條畫開坐于後仰欽依施行

一淮東楊州淮安地面以遠就近分立六倉給顧綱舡設官押運赴場查鹽入倉收貯撥袋發賣今後客旅納課買引赴倉關鹽照依資次畫時支付運司以下無得非理取擾仍前作弊違者依條追斷

一兩淮運司歲辦鹽課六十五萬七十五引雖是周歲立額例於九個月攢辦自二月為題煎燒十月終足脩月該煎鹽七萬二千二百三十引所據運鹽綱舡亦須春首河開查運比及冬月河凍水涸僱運了畢其煎鹽運鹽俱在九個月之開今依驗諸場日煎月

辦課額多寡地里遠近河水淺深倉場裝卸往廻日程以遠就近通立四十綱每員設官一員分運前項月煎鹽袋中間或有上中下則月分煎鹽多寡不尋及河道塞不一亦須於九個月內增虧相補務要舉足仍多方預積柴瀆雖連陰數月並不許申報陰雨妨工以為久遠常例

一諸倉遇客支鹽若留難不給隨即理斷因而受財者並從枉法科斷其運官人等給散工本脚價及席索等錢而有侵尅者各如之

一諸王公主駙馬位下行運幹脫人等及官豪勢要之

家今後納課買引赴倉支鹽不得欺凌倉官挽越資  
次到發賣去處亦不得恃勢換奪行市若有違犯之  
人依條斷罪仍具姓名呈省

一網舡運到鹽袋須要入倉排垛收貯如遇客旅開鹽  
添席重包然後交發不許就舡兌撥違者倉官監運  
各決三十七下解見任期年後別行求仕運官有失  
關防罪亦及之通同縱放者與同罪

一裝鹽席索運司較勘樣製各於立倉拘該州縣撥戶  
織造務要堅密牢壯諸倉就管收支州縣官司添力  
催辦仍將席戶籍定姓名諸人不許私織私賣違者

決杖五十七下倉官不依元樣受錢濫收或依樣故  
行刁蹬因而受財並同枉法科斷運用有失關防者  
亦行究治

一監運赴場查鹽就廩裝打硬袋每引帶席索通秤四  
百一十觔出場袋法之外餘有十觔以充在舡坐倉  
走滷折耗內諸倉破耗六觔監運破耗四觔網舡運  
鹽到倉倉官監運眼同交收耗例之外若有短少觔  
重如在四百觔之內者即令網頭舡戶陪償就於脚  
錢內照依官價指除另行解官監運舡戶約量治罪  
短鹽十觔之上者附簿申報運司捕足支發其侵偷

盜賣者依私鹽法如四百一十觔之上但有多帶餘  
鹽亦仰倉官置簿從實附寫畫時申報運司當該監  
運監查場官各決三十七下解見任期年後降先職  
一等倉官通同不報者與同罪運司官有失關防罪  
亦及之

一諸綱運鹽舡隻每歲住運之後督責舡主趨時修舡  
整辦浮動不許擅自離綱私離綱者決杖五十七下  
一在先場官指勒富戶多取斛面以通鹽商支查大鹽  
今既立倉依法裝袋已積鹽廩必有附餘若不關防  
恐致場官通同富戶虛過鹽籌冒關工本仰諸綱監

運到場查鹽並要互相攪察一廩支盡積出餘鹽數  
目場官監運連銜保結隨即開申運司置簿銷附通  
同漏報者許諸人首告是實場官監運各決三十七  
下解見任期年後別行求仕仍是大德五年為始寬  
戶赴場納鹽置簿明白附寫某字號一廩自幾年月  
日寬戶某人納鹽為始至幾年月日寬戶某人納鹽  
為尾計鹽一千引各開條細花名鹽數已後查盡積  
出餘鹽照依各各納鹽分数依例支給工本  
一運司泛濫差人下場必要祇待賣發在先客旅就場  
查鹽多帶觔重取要分例場官有以支持既已在倉



革除前弊若又泛濫差人必是侵漁竈戶今後運司凡有下場文字須要入遞發行其有照勘追會公事運官散本之時就便理會諸場月報實煎鹽袋隨月比較虧兌者依例決罰若有問出竈戶場官通同發賣私鹽必須差人勾追須明給差劄立限幹辦違期不至者問罪

一諸場煎鹽柴地舊來官為分撥初非竈戶已業亡宋時禁治豪民不許典賣亦不許人租佃開耕今知各場富上竈戶往往多餘冒占貧窮之人內多買柴煎鹽私相典賣開耕租佃一切無禁今後運司嚴加禁

治更為差官体究若有似此情弊即仰依理歸着無柴去處從公分撥務要貧富有柴煎鹽不得似前違錯

一凡獲私鹽犯界鹽貨須先從實挨問監賣鹽場罪及場官經過把隘去處罪及鎮守軍官轉行貨賣地面罪及路府州縣提點捕盜等官或通同作弊或有失攬察並從運使照依已降

聖旨條畫科斷其軍民鹽場捕盜等官能自敗獲者止罪元賣竈戶正犯鹽徒管民官鹽場官捕盜官獲到私鹽犯界鹽貨各各起數在滿於解由內開寫量加遷擢鎮

守把隘巡鹽軍官若能周歲之內所獲私鹽并犯界  
鹽貨百戶有及三百引千戶五百引萬戶千引之上  
者并各陞官一等親獲之人應捕者每鹽一引賞鈔  
一十五兩不干碍人賞鈔二十五兩所在官司就便  
畫時支給雖獲私鹽而不獲鹽徒者不在理准之限  
一敗獲鹽從多係累經配斷視為尋常不改前過一番  
事發一遍詐人諸場富上宦戶有司殷實良民多被  
妄行通指此等之徒紛亂誰句今後犯鹽經斷賊徒  
各於門首粉壁大字書寫犯盜經斷賊徒六字官為  
籍記姓名責令巡尉捕盜等官每月一次點名撫治

務要改過別求生理出入往回須使隣佑得知三日  
之外不歸者即報捕盜究問三年不犯隣佑保舉方  
許除籍

一附場百里之內在先設立官局一十七處拘該一府  
四州一十一縣歲賣官鹽四千六百餘引中間夾帶  
私鹽擾害百姓有名無實奸弊多端於官無濟於民  
有損今擬附場十里之內人戶取見實有口數責令  
買食官鹽十里之外盡作行鹽地面許令客旅通行  
興販以便公私若革罷局鹽之後城鎮無賣鹽鋪戶  
鄉村無販鹽客旅又少有拘到退引即是管民捕盜

把隘軍官不為用心以致私鹽生發運司從長施行  
一諸人賣過鹽引鋪戶牙人私相隱匿影射私鹽侵覩  
官庫仰督責各路提點正官先將立倉已前應發舊  
引盡數拘刷到官牒發運使如無不盡數目亦仰保  
結牒呈改法之後賣過退引依期拘收每季牒發諸  
官府無得存留各處行省若有在先已收退引亦仰  
盡數發付運司其運司拘到退引即係元降法物若  
擬存留別用及或久積在庫中間必生奸弊運司正  
官點勘見數並仰當官燒毀已後無得傳留

一采石依舊設官批驗引目摘撥軍舡一同盤捉私鹽  
今後前去上流販鹽舡隻須由彼中批驗另無夾帶  
私鹽方許經行匿不批引者同私鹽法科斷其海舡  
海仙鶴鉄頭舡采石之上不許放過違者決杖五十  
七下其舡沒官若軍官批引官通同脫放者與犯人  
同罪

一煎鹽之所皆為禁地在諸人閑雜舡隻通行往來  
因而搬販私鹽今後除竈戶般運柴滴等舡運鹽綱  
舡巡鹽舡隻運司印路行使外其餘諸人舡隻並不  
許於附場江淮海口并場邊港汊往來灣泊違者捉  
拿到官犯人決杖五十七下斷訖牒發元藉仍將舡

隻拘沒入官其運鹽大河內買賣民舡雖內場邊經  
却不得因而當攔搔擾

一賣引支鹽批驗關防

客人入狀運司買引自大德五年為始每引納官中

錠鈔六十七兩五錢

正課六十五兩 帶取鈔六兩五錢

網舡水脚一兩錢 裝鹽席索錢七錢

倉場子脚錢六錢

運官監視挨次交檢數足送庫收訖支引出庫隨於  
引面上書填寫客名次於引背上墨印批鑿兩淮都

運鹽使司發引赴某處鹽倉支鹽於墨印上再用  
本司正印記出給下倉勘合用引當官給付客旅  
赴倉關鹽本司另置花名銷簿於上附寫一帖幾  
年月日某人買鹽若干幾年月日用某字號勘合  
行下某倉放支仍於貼項後餘留空紙已後鹽倉  
批驗所申到出倉賣過月日本客名下相續銷附  
鹽倉從運司置立關防號簿每號餘留空紙半張印  
押過預發諸倉收掌如承運司勘合比對元發字  
號相同辦驗引上客名印姓別無詐冒漏落即於  
簿上附寫幾年月日承運司幾年月日某字幾號

勘合放支客人某人鹽若干然後照依資次撥袋支鹽如鹽商欲往真州發賣者即將客名鹽數出倉月日開發真州批驗所發賣如鹽商不真到州徑去淮東淮西貨賣者本倉依例就收批引牙錢中鈔鈔四錢並於引上皆使出倉批驗印記付客從便興販食魚局鹽一体批取仍將出倉月日客名鹽數收到官錢各於前簿本客名下銷付每月一次開申運司照驗

真州批驗所從運司置立關防文簿印押過發付本所收掌如承鹽倉關到客人出倉鹽袋即於簿上

附寫幾年月日某倉關到某人出倉鹽若干仍於客名後餘留空紙每日責過鹽數牙人鹽商賣引同赴本所批鑿如鹽過岸上江發賣者依例每引收要中鈔鈔一錢牙錢鈔一錢即將客名鹽數關發采石再引批驗如遇岸不到采石往去江東淮西州郡就賣者每引全收批引中鈔鈔三錢牙錢一錢如不過岸上就江北淮東發賣者亦仰令收批引牙錢並於引上背使各各關防青印付客從便興販應鹽倉開發真州客鹽須到真州批驗發賣如匿不批引私自發賣者依

條追斷仍將鹽倉元關客名鹽數賣過花名月日收到官錢  
數目隨於前簿本客名丁銷附每月一次開申運  
司照驗

采石批驗所從運司置立關防文簿仰伸過發付本  
所收掌如承真州批驗所關發客人鹽舡到岸即  
於簿上附寫幾年月日關文發到某人販去上江  
鹽若干仍於客名後餘留空紙隨於引上背使關  
防青印依例每引收要批引中鈔鈔二錢點檢別  
無夾帶私鹽即便放行其真州全收官錢江東淮  
西就賣客鹽而有復過采石者亦仰驗真州鹽引

更為依例批鑿放訖移關真州批驗所會問以防  
其弊應真州關發采石客鹽須到采石再行批驗  
了畢然後通放并本處發賣如匿不批引而先發  
賣者依

條追斷仍將真州元關客名鹽數批驗過月日同收到官錢  
數目各於前簿本客名下銷附每月一次開申運  
司照驗

諸路拘該到退引內多不行批毀中間為弊最深既  
立倉之後應賣鹽引上改給條印明白批鑿關防  
其隨路拘收退引亦合改給印記從新批毀法令

歸一庶革奸弊仰運司議立關防批毀條印粘連  
行移拘該路分委自提點長官監視依樣置造發  
付司縣提點正官收掌依期拘收退引到官隨於  
引上正面批使入庫對收每季牒發運司比較如  
有戒裂不行用意拘收及用批退印記並行究問  
一准東真州南北商旅聚集去處故於彼中設立批驗  
所官府專責批驗鹽引發運辦課欲使無擾鹽商  
交易快便不謂近年以來批驗所以為作弊要錢  
之司除通同牙人取要分例外縱令攢典合千門  
下家了人等私立名色紛擾鹽商取要錢物其於

鹽法一毫無補又所設鹽牙皆非從公選擇濫用  
無藉破落之徒各名下別帶小牙秀才勾當人等  
百數成群結攬鹽商把柄行市多取牙錢坑陷客  
旅今次立倉改法從新禁治已令真州官司於本  
土諸行鋪戶內選到有抵業慎行止不作過犯者  
知商賈信實之人以充鹽提部轄專一說合賣鹽  
交易運司常加用心關防鈐束務要盡革前弊已  
後批驗官吏鹽提部轄人等敢有似前取要分例  
多收牙錢擾害鹽商作弊之人運司隨事追問運  
官通同看循罪亦及之議到關防合行事理

鹽總部轄擬設四名專一說合賣鹽交易如無過犯不得擅自更換其在下掌附文曆接手協力并從部轄入狀保用如或陷害鹽商作弊敗事者正犯人嚴行斷追元保部轄亦行斷罪

已前應有鹽牙盡行革去除今次額設鹽總部轄外敢有私充牙人及已罷舊來潑皮鹽牙仍前結攬鹽商暗行交易者許諸人首捉到官犯人決杖六十七下仍於名下各追中鈔鈔五定付告人充賞新立部轄每日止於批驗所與買主賣主對面說合交易不許他處暗地成交如有違犯之人許諸人

首告是實各決四十七仍於各名下追徵中鈔鈔五定給付告人充賞

真州江口係兩淮運司發鹽總會去處擬立部轄四名說合賣鹽關防批驗其餘行鹽地面上江諸路如鄉例須用牙人說合從各路提點長官照依真州依例於士居信實不作過犯有抵業通曉商賈諸行鋪戶內從公選差出給文憑立部轄專一說合賣鹽交易如鄂州龍興潭州江陵吉州等路聚鹽去處擬設二名其餘去處止設一名九遇客旅到彼須於賣鹽處所買主賣主對面成交牙錢每



引不過中銚鈔一錢餘上不得多取如有似前多取牙錢許鹽商諸人首告是實犯人決杖六十七下違法多取牙錢盡給告人充賞除額設部轄外其餘濫設私牙截日盡行罷去敢有私充鹽牙及已罷牙人結攬鹽商私相交易者決杖六十七下門前粉壁毋令再犯仍於名下各徵中銚鈔五定給付告人充賞提點官有失關防罪亦及之

一体知行鹽地面諸路官府多將上司官員并自己販到鹽貨添答錢價挽先發賣使無勢力鹽商不得成交縱然分賒在地其鹽牙索到價錢止還權勢之家

因而客旅虧折錢本今後各處提點正官常加關防毋致似前作弊陷害鹽商違者並行究治

一諸路鹽牙鋪戶人等經手賣過客鹽如有未還價鈔分司運官到處先行取會見數及令鹽商自行告督責各處提點官吏畫時監徵給主與使停滯怠慢去處就便究治

一行鹽地面拘該行省宣慰司官各一員專一提調路府州縣提點正官鎮守把隘軍官巡鹽捕盜等官若有奉行不至者許廉訪司糾彈究治事關各省為例事理仰運司直呈都省

一該載不盡凡於官司不便事理運司官欽依已降  
聖旨就便從長規畫無致虧欠

申明鹽課條畫延祐五年三月十六日

長生天氣力裏

大福蔭護助裏

皇帝聖旨裏中書省御史臺官人每根底宣慰司轉運司廉訪  
司官人每根底管城子達魯花赤官人每根底軍官每根  
底軍人每根底杖兒頭目每根底大小諸衙門官人每根  
底打捕戶昔寶赤每根底站赤每根底衆百姓每根宣諭  
的

聖旨中書省奏諸處鹽課兩淮為重大德四年改法立倉撥袋  
支發定立條畫宣諭諸司各另遵守比來所司弛於奉行  
宜申舊制宣諭乞降

聖旨事意湊准所有條畫隨列于後

- 一隨處所辦課程依舊例管民正官提點若有差出以  
次官提點如有沮壞虧欠取問得實依例究治
- 一諸王公主附馬位下行運幹脫人等及官豪勢要之  
家今後辦課買引赴倉支鹽不得欺凌倉官挽越資  
次如到發賣處去亦不得恃勢挽奪行市若有違犯  
之人依條斷罪仍具姓名呈省

一各處運司辦課其間諸衙門官吏人等無得縱令歹人虛椿飾詞妄行扇惑搔擾沮壞若果有言告塩司場官人等不公等事從運司依例科斷如理斷不應許監察御史廉訪司糾彈運司官若有非違呈省辦課人員無得擅自勾擾

一行塩地面拘該行省宣慰司宣各一員專一提調路府州縣提調正官鎮守把隘軍官巡塩捕盜等官若有奉行不至者許廉訪司糾彈究治事關各省為例事理運司直呈都省

一隨處河邊舊有針立椿撥阻碍運司舡隻沿河官親行點視拔去若有因而沮壞販塩舡隻其工本一切損失之物當處官司倍償仍行斷罪

一塩商竈戶網舡脚鑄盤織蓆之家運司常加照管無令有司拖拿搔擾違者究問

一凡於官課不便事理運司就便從長規劃毋致虧允一管民提點正官常切提調關防嚴加禁治如不為用心至有私塩并犯界塩貨初犯笞四十再犯八十三犯一百除名通同縱放者與犯人同罪

一關津隘口守把軍官軍人當巡尉弓兵人等本以機察奸偽而設比聞各處私塩犯界白晝公行無所畏

忌蓋是不遵法禁以至如此今後嚴加關防往來盤  
捉無至似前透漏私鹽并犯界鹽貨初犯笞四十再  
犯八十三犯一百除名

一凡獲私鹽并犯界鹽貨須先從實挨問盜賣鹽場罪  
及場官經過把隘去處罪及鎮守軍官轉行貨賣地  
面罪及路府州縣提點捕盜官司通同作弊有失攬  
察者與犯人同罪

一查滷魚鱉各有破鹽定例又係商販之物不拘行鹽  
地方許令諸處興販投稅貨其有因而夾帶私鹽者  
依例科斷

一煎熬燒草每年當有野火燒延靠損草地及有所伐  
柴薪之人以致失悟用度仰本處隣接官司委自管  
民正官專一關防禁治但犯杖八十因而闕用者奏  
取勅裁

一諸客旅并行舖之家賣訖官鹽限五日赴所屬州司  
縣繳納引如違限匿而不批納者同私鹽法仍委提  
調官置簿關防無致停藏卧引影射私鹽拘到退引  
當官隨即毀抹每季申解運司收管運司官所至之  
處先行檢舉不如法者就便究問

一客旅買到官鹽并官司綱運鹽貨經由河道其關津

渡口橋梁妄生事故邀阻者取問得實杖一百因而  
乞取財物者徒二年官司收受故縱者與同罪失覺  
察管五十如有拘當客旅取利者徒二年鹽付本主  
買價沒官

一轉運使辦課其間諸衙門人等不得攪擾沮壞運司  
官吏人等却不得因而分外生事侵擾官府椿配百  
姓

一該載不盡事理照依累降

聖旨事意施行

鹽法通例延祐六年八月十三日承奉 上司指揮承奉

江浙等處行中書省劄付准 中書省咨來咨據兩浙運  
司申延祐元年八月十八日有中書省差來官直省舍人  
欽貴

御寶

聖旨開讀節該經國之費鹽課為重比歲以來所司失於關防  
以致私鹽犯界鹽貨生登侵視官課澁滯鹽法仰所在管  
民官管軍官常切用心提調關防禁治毋致似前違犯所  
有條畫開列于后欽此除遵依外照得

頒降

條畫一本一款內有該載未盡其餘干犯等罪名若候申稟

通例至日施行却緣每日各處解到違犯私鹽起數甚多切恐日積月增不無久淹停禁卑司除將窮問私鹽犯人無疑者照依今次坐列

條畫科斷外據該載未盡干犯等項罪名取問明白審錄是實權依舊例斷決外若蒙省府開咨都省令合干部分通行一一讞擬定付下遵依似望輕重得倫法令歸一本省合行咨請照詳准此送據刑部呈約請戶部侍郎楊中議一同議擬間又准戶部關奉省劄山東鹽運使張太中言諸偷犯私鹽不曾貨賣自行食用依例斷罪再犯以上依貨賣私鹽例諸偷犯私鹽貨賣初犯依例斷配再犯全籍

家產決杖一百七下仍於手背刺鹽徒二字發付淘金估治等處配役三年三犯以上比賊徒出軍例論諸人但犯持杖般偷私鹽拒捕的殺傷的燒毀房舍的比依強盜論罪等事本部議得前項所言事干刑名如刑部約會本部官一同從長商議明白議擬相應都省准擬關請依上施行准此請戶部侍郎王中憲到部一同議擬到下項事理開呈照詳得此都省咨請依上施行

一本省咨稟

一見欽奉

聖旨內一款節該諸犯私鹽者科徒二年決七十財產一半沒

官決訖發下鹽場鑿後兩隣知而不首者決六十買  
食私鹽者杖六十轉行貨賣博易諸物者同私鹽法  
正犯鹽徒加犯加等斷罪居後三犯斷訖發付邊遠  
屯田前件除欽遵外照得大德八年八月十二日也  
可札魯忽赤

奏准與省官院官臺官衆人商量來舊賊每根底兩遍做了  
賊經刺來的賊每拿護呵是第三遍有將這的每交  
出軍三遍做了賊經刺來的賊每拿護呵是第四遍  
省將這的每也交出軍色目人有合出軍的明白問  
了無隱諱呵今各路官司依例斷遣漢兒人蠻子人

申解遼陽省發付出軍色目高麗及申解湖廣省發  
付出軍得此都省准擬仰依上施行奉此切詳斷遣  
鹽徒即與斷遣賊人

條例相似未審鹽徒先當經犯取訖招伏斷配間遇

赦踈放今次拿護是否作再犯論罪其三犯者止言斷訖發  
付邊遠屯舊不見定到杖數多少發付是何近遠處  
所色目人剪販私鹽別無所坐罪名及婦女犯私鹽  
拿護本司止是單衣受刑杖七十抄財產免鑿後今  
後婦女犯此罪者未審如何處斷又博易諸物同私  
鹽法謂如有將私鹽博易諸物段疋布帛衣服孳畜

或有博易喫食酒肉瓜果五穀草鞋簾笠柴草等微賤之物若不論其多寡俱同鹽法一槩斷配侶涉輕重不論乞照詳刑部一同議得私鹽事發到官取訖招伏合以

赦後為坐其三犯者與再犯一体斷罪蒙古色目人發付兩廣海南漢人南人發付遼陽屯田色目人煎販私鹽者依例科斷婦人有犯單衣受刑例合免徒轉行貨賣博易諸物者不以物細價之多寡依例全科相應前件依准部擬一見奉

聖旨內一款節該諸人捕護私鹽其告首親護之人於犯人沒官家產內一半充賞若犯人貧窮無產可籍雖是不酬其功者每私鹽一引官給中鈔鈔五十貫應捕人減半不及引者同一引例於運司係官錢內支給前件切詳一起私鹽內有護正犯人二名至十餘名者及指問出煎賣私鹽竈戶一三家俱各斷沒一半財產是否盡將一起內應有斷沒到各家沒官一半財產再分一半都與首告親護之人准復止將一起正犯人內從斷沒多者一名財產內分付將一半給賞又私鹽不及引者同一引運司給賞中鈔鈔五十貫原其鹽每引例重四百



勦有護二百勦已上者同一引論賞則可或有止投護二百勦以下并十勦三二勦者未審依上全給乞照驗刑部一同議得諸各首親護私鹽之人擬合將各家沒官財產依例一半付告人充賞其展轉指出者不在諸賞之限外據不及引者無問多寡同一引給賞相應

前件依准部擬

一見欽奉

聖旨節該管民提點正官關津渡口守把軍官軍人巡尉弓兵人等致有私鹽犯界鹽貨走透私鹽初犯笞四十再犯杖八十三犯杖一百仍除名通同縱放者與犯人同罪

前件照得軍民官員人等通同縱放私鹽事發到官取問是實照依犯私鹽人應得罪名將軍民官員人等斷決外據財產并籍役一節若依犯人一体抄配誠為尤重乞照詳刑部一同議得管民提點正官關津渡口守把軍官軍人巡尉弓手人等通同縱放者既與犯人同科止坐其罪想應

前件依准部擬

一諸犯私鹽淹浥魚蝦鮓竹筍貨賣或自家食用及博易諸物者前件照得每年本同於額辦鹽內提豁七八千引分俵兩浙召募瀕海漁戶人家請買給引支查淹

浥海鮮魚鰕鮫鮓竹筍檢據給程發賣若有私鹽淹浥者捉護本司比同私鹽法科斷正犯人杖七十財產一半沒官贖後二年批擔受寄為牙引領之人杖六十食用者笞五十七下終非都省定到通例今次未審若何乞照詳刑部一同議得私鹽淹浥魚鰕者合依運司所擬比同私鹽法科斷藉配所據批擔受寄為牙引領并食用之人知情者依上科斷不知情者依例革撥

前件議得私鹽淹浥魚鰕鮫鮓竹筍貨賣或自家食用及博易諸物犯人罪名合依運司元呈餘准所擬

一諸犯私瀆刮取鹹土前件照得在先有百姓於竈戶處

買到酒水歸家以私自煎鹽貨賣被護同私鹽法科斷終非成鹽本司量情將買賣之人各杖六十挑擔撐載受寄為牙引領之人減等笞五十潛地偷取酒水者止坐偷瀆之人買食私瀆切取鹹土淋瀆食用者各笞四十七下終非都省定到通例今次未審若何乞詳刑部一同議得諸人於竈戶處買到酒水歸家欲以私自煎鹽貨賣被捉到官准運司所擬所據潛地偷取酒水之人買食私鹽切取鹹土淋瀆食用者照得至元八年刑部准中書省劄付日照縣人戶馬青等偷掃鹹土舊例掃刮鹹土食用者與採買穗草燒灰淋瀆難同私鹽

量答三十七下相應

前件議得挑擔撐載受寄為牙引領犯人罪名合依運司元呈餘准部擬

一掃取馱打納官零鹽前件有守倉圍軍人或百姓竈戶於官倉教外裝袋畢撒鹽在地及竈戶排鹽送納蘿白漏下鹽貨掃聚取撥包裹歸家食用本司俱各量快斷二十七下或於野泊恰得無犯人私鹽食用者答五十二下終非都省定到通例今次未審若何乞照詳刑部一同議得依准運司所擬相應

前件議得掃取馱打收撥納官等鹽歸家食用者量答一

十七下野泊拾得無主私鹽不即首告自行食用之人答決二十七下

一挑擔撐載受寄為牙行領貨賣私鹽干犯人前件本司將挑擔撐載受寄非引領為牙貨賣私鹽者比正犯減等杖六十及受寄買食私鹽者又比買食人減等終非都省定到通例今次未審若何乞照詳刑部一同議得依准所擬相應

前件依准部擬

一守把團圍倉教巡防軍官軍人於場官司秤竈戶滴丁處乞取前到官鹽前件照得在先有軍人索取鹽貨賣

本司申奉省府劄付決杖六十七下發付本後依舊當  
軍切詳軍官軍人持勢求取官鹽私下貨賣者合無照  
依私鹽法斷所食用者減等斷決六十與鹽之人笞五  
十七下乞賜定奪可否付下伏乞照詳刑部一同議得  
依准運司所擬相應

前件議得軍官軍人所犯依准運司所擬

一承奉 中書省判送江浙省咨據兩浙運司申延祐四  
年正月初二日欽奉

聖旨節該從新極治歲辦課額照依累降

聖旨例依恢辦者又辦課其間諸衙門不以是誰橫杖兇休侵

犯者這般宣諭了它每的勾當其間侵犯的人有罪過  
者欽此會驗延祐元年八月十八日欽奉

聖旨條畫內一款節該關津濫口守把軍官軍人及巡尉弓兵  
人等本以機察奸偽而設比間各處私鹽犯界鹽貨白  
畫公行無所畏忌蓋是不遵法守以致如此今後嚴加  
關防往來盤捉無致以前透漏違犯如因仍舊弊不為  
用心盤捉致有走透私鹽併犯界鹽貨初犯笞四十再  
犯杖八十三犯杖一百仍除通同縱放者與犯人同罪  
又會驗先欽奉

聖旨條畫內一款節該若有不理事理運司從長規畫欽此除

遵依外照得延祐三年正月至年終各處解到私鹽內  
無犯人二百余起數內略舉一起錢百四等犯鹽返問  
出起內杭州路仁和縣城東巡檢司弓兵相先貼書陸  
榮祖投護犯人錢百四周顯保王三十八私鹽一十二  
撫將錢百四停留在家數令指攀平民潘萬四等貨賣  
私鹽要訖王三十八周顯保中銃鈔三定二十五兩入  
已將各人脫放止將錢百四解官又一起陳壽一等私  
鹽浙西分司返問出松江萬戶府軍人余勝徐福狀招  
延祐三年五月十一日捉護犯人陳壽一李萬七私鹽  
四草包停留五日接受陳壽一中銃鈔五十兩於金山

鎮守官張百戶處打話將犯人脫放作無犯人私鹽申  
解又一起加興邳州萬戶府軍人王馬兒投護犯人王  
千四等私鹽一袋解赴千戶所引過差劉百戶與軍人  
王馬兒劉淵等一同赴解間有金三夏屠於本所典史  
節洪該吏劉克寬首領官樊提領等處說合用財計會  
換扣文解作死犯人私鹽分付劉百戶等解至海鹽州  
嚴慶一家劉百戶等又行接受錢物將鹽博換鷄酒食  
用縱放王二四等還家解另行追問到其餘起數或申  
巡至鄉村田畝江海河漢見有男子挑撫私鹽或用舡  
裝載向前捉拿犯人懼伯奔鹽走透或因天色夜晚昏

暗或稱挑水登岸走透不知去向無處根捕或曠野草場見有草柴遮蓋無主私鹽以此弊倖多端本司止行各處常川根捕至日申解未曾勾護一起到官今未參詳兩浙鹽課歲辦五十萬引課鈔壹百五十萬定不為不重行鹽地面撥山帶嶺瀕湖靠海南抵福建北海大江出沒私鹽港汊數多若各處鎮守把隘軍民捕盜等官嚴加關防肯心盤捉則外方私鹽不禁自絕近年以軍民捕盜提點等不以

國課為重視為泛常縱然護到私鹽犯人不受財脫放者虛稱在逃者除扣勦重者徃徃止作無犯人私鹽申解運

司更不追究止行常川根捕由是大開倖門一年之內無犯人者二百餘起若不從新拯治實於鹽法有碍至如強切盜賊捕護者給賞不獲者定立三限刑責令私鹽既獲犯人理賞不獲犯人者亦合有罪今後各軍所捕軍民官司但獲有犯人私鹽依例給賞無犯人擬合比依切盜例三限根捉庶革奸弊私貪然此申乞詳明降得此本省參詳若依運司所擬別無遵守通例咨請照詳希咨回示批奉都堂鈞旨送刑部依已批照擬連呈奉此前件照得欽奉

聖旨節該管民提點正官關津渡口守把軍官軍人巡尉弓兵

人等致有私鹽犯界鹽貨走透私鹽初犯笞四十再犯杖八十三犯杖一百仍除名通同縱放者與犯人同罪欽此又照得欽奉

聖旨條畫內一款節該諸人捕獲私鹽其告首親獲之人於犯人沒官家產內一半充賞若犯人貧窮無產可藉雖有不酬其功者每私鹽一引官給中鈔鈔五十貫應捕人減半不及引者同一引例於運司係官錢內支給欽此議得軍民官司捕獲私鹽罪賞擬合欽依已降

聖旨事意施行相應

前件依准部擬

一准戶部關承奉 中書省劄付本部呈奉省判山東鹽運司張大中言本司歲辦鹽課浩大供給

國用不為不重近年以來諸神往往攪擾且壞沮滯鹽法不能辦集略舉合行事理開坐照詳奉此本部議得下項事理乞照詳得此都省議得下項事理開坐前去合下仰照驗就便行移依上施行奉此除外教內一項諸犯私鹽科徒二年決杖七十財產一半沒官決訖發下鹽司帶鑣居役滿日踈放若有人告捕得獲於沒官物內一半充賞如獲犯界鹽貨減犯私鹽罪一等仍委自州縣長官提點禁治私鹽及犯界鹽貨如禁治不嚴致有

私鹽并犯界鹽貨生發初犯笞四十再犯杖八十三犯以上開具申省聞奏定罪欽此量擬到下項事理于后諸偷犯私鹽不曾貨賣自行食用依例斷罪再犯以上比依貨賣私鹽例諸偷犯私鹽貨賣初犯依例斷配再犯全籍家產杖一百七下仍於手背刺鹽徒二字發付淘金銖冶等處配役三年三犯以上比依賊徒出軍例論諸刮鹹淋酒私煎鹽賣與不賣初犯斷配再犯全籍家產決杖一百七下仍於手背刺鹽徒二字發付淘金銖冶等處配役三年三犯以上比依賊徒出軍例論諸人但犯持杖般偷私鹽拒捕的殺傷的燒毀房舍的比

依強盜論罪前件本部議得前項所言事干刑名如今刑部會本部官一同從長通行講究明白議擬相應多省准擬仰就便施行聞請依上議擬就便施行前件照得鹽法

條畫內一款諸犯私鹽者科徒二年決杖七十財產一半沒官決訖發下鹽場鑠役兩隣知而不首者決六十買食私鹽者杖六十轉行貨賣博易諸物者同私鹽鹽法正犯鹽後再犯加等斷罪居殺三犯斷訖發付邊遠屯田欽此又照得至元八年刑部准中書省劄付日照縣人戶馬青等偷取鹹土舊例掃取鹽土食用者與採買



穗草燒灰淋漓難同私鹽量管三十七下奉此議得諸  
犯私鹽并刮鹹土之人合依前例匿處相應

前件依准部

改造鹽引中書省咨至三十年二月初二日

奏通事理一件俺根底行的張參議得小名的漢見人題說  
三件勾當一件勾當一件從收了江南已後至今鹽引的  
文字不曾改換則依那休例裏行有待收呵收不的約呵  
又難私鹽多的緣故因着這般有如今鹽引改換做別樣  
字呵禁治私鹽呵有益這般說有俺商量得改換呵怎生  
奏呵那般者

新抄本遺却此葉須令  
原抄人照此抄補之

